

per hoc ad omne altum. Dixit primo Luna Soli, Tu mei indiges, sicut gallus gallinæ indiget, & ego indigeo operatione tua ô Sol, sine cessatione, cum tu sis perfectis moribus, pater luminariû, tu es lumen excelsum, dominus & magnus. Ego Luna crescens humida & frigida, & tu Sol calidus & siccus, quando copulati fuerimus æquitate status in mansione, in qua non fit aliud, nisi leue habens secum graue, in quo uacabimus, & erimus sicut uacat mulier & uir eius, & hoc est uerum ex locutione. Et erimus ô Sol, cum coniuncti fuerimus uacaturi in uentre domus clausæ, recipiam à te animam adulando, & si abstuleris pulchritudinem meam, & fiam ex propinquitate tua tenuis, exaltabimur exaltatione spirituum, quando ascendimus ordinem seniorum. Lucerna lucis infundetur lucernæ meæ, & te & me, sicut commixtio uini & aquæ dulcis, & prohibebo fluxum meum, postquam induta fuero nigredine tua, colore qui fit uelut attramentum, post solutionem tuam, & coagulationem meam.